



Pusat Perhubungan Pelanggan

Tel Hubungi **1 300 80 3030** pada kadar tempatan

Talian Utama +603 2268 3333

Emel customer@amassurance.com.my

LAMPIRAN PEMBERITAHUAN PRODUK untuk Insurans Barangan Ketika Dalam Transit

NOTA PENTING: Sila baca Lampiran Pemberitahuan Produk ini sebelum anda memutuskan untuk mengambil Polisi Insurans Barangan Ketika Dalam Transit. Pastikan anda juga membaca dengan terperinci terma-terma dan syarat-syarat amnya.

1. Apakah produk insurans ini?

Polisi ini menyediakan perlindungan insurans untuk barangan anda terhadap kehilangan atau kerosakan akibat daripada Kebakaran, Kecurian atau Kemalangan Yang Tidak Disengajakan dari masa meninggalkan gudang atau tempat simpanan belanjutan sehingga tiba ke destinasi muktamad.

2. Apakah perlindungan/manfaat yang disediakan?

Terdapat 2 jenis perlindungan berbeza:

Kebakaran, Kecurian atau Kemalangan Tidak Disengajakan

- Melindungi terhadap kehilangan atau kerosakan barangan tersebut akibat daripada Kebakaran, Kecurian atau Kemalangan Tidak Disengajakan (kecuali seperti yang dinyatakan dalam pengecualian polisi)

Klausa Lori

- Ianya lebih terhad, melindungi kehilangan atau kerosakan kepada barangan disebabkan oleh kebakaran, pelanggaran dan kenderaan yang terbabas

Anda juga boleh meluaskan perlindungan terhadap

- Tunjuk Perasaan, Rusuhan dan Keganasan Awam
- Rampasan kenderaan

Tempoh perlindungan selalunya adalah untuk 1 tahun.

3. Berapakah jumlah premium yang harus saya bayar?

Jumlah premium adalah berbeza-beza bergantung kepada pelbagai faktor. Berikut adalah ciri-ciri utama dalam menentukan jumlah premium

- Jenis-jenis barangan yang diinsuranskan
- Perjalanan tersebut iaitu dari mana ke mana
- Bagaimana barangan tersebut dibungkus, iaitu tidak tertutup, di dalam bekas
- Keperluan perlindungan – lebih luas perlindungan, lebih tinggi premium
- Nilai diinsuranskan maksimum yang diizinkan setiap pengangkutan
- Anggaran perolehan/angkutan tahunan

Jumlah Premium = Anggaran Perolehan/Angkutan Tahunan x Kadar Digunapakai.

4. Apakah jumlah yuran dan caj-caj yang perlu saya bayar?

Yuran dan caj-caj yang anda perlu bayar ialah

Jenis	Amaun
Cukai Perkhidmatan	6% daripada premium
Duti Setem	RM10.00
Komisen ejen apabila melibatkan seorang pengantara	15% daripada premium

5. Apakah terma dan syarat-syarat utama yang harus saya ketahui?

Kepentingan membuat pendedahan

- MENURUT AKTA PERKHIDMATAN KEWANGAN 2013, Seksyen 129, Jadual 9, Perenggan 5: Adalah menjadi kewajipan pengguna untuk mengambil penjagaan munasabah untuk tidak membuat salah nyataan kepada penanggung insurans berlesen semasa menjawab apa-apa soalan yang diperlukan yang berkaitan dengan keputusan penanggung insurans samada untuk menerima atau tidak risiko dan kadar dan terma yang hendak dipakai.
- Anda harus memastikan yang borang cadangan dilengkapkan dengan tepat kerana ianya merupakan asas kepada kontrak insurans.

Jaminan Premium

- Jumlah premium perlu dibayar dan diterima oleh penginsurans dalam tempoh enam puluh (60) hari dari tarikh bermulanya polisi ini/pengesahan/sijil pembaharuan.

- Kegagalan membayar premium tersebut pada tempoh masa yang ditetapkan akan menyebabkan pembatalan kontrak serta-merta dan AmGeneral berhak ke atas jumlah pro-rata premium pada tempoh anda dalam risiko.

Pelarasan Premium

Yang Diinsurans perlu membekalkan dalam tempoh sebulan dari tarikh luput setiap Tempoh Diinsuranskan, laporan kepada Syarikat angka sebenar perolehan tahunan bagi tempoh insurans. Yang Diinsuranskan diminta untuk menyimpan rekod yang tepat untuk angka-angka itu dan membekalkan kepada Syarikat apabila diminta bersama salinan teraudit untuk rekod-rekod ini.

6. Apakah merupakan pengecualian utama di bawah polisi ini?

Polisi ini tidak melindungi:

- Perilaku tidak sopan oleh yang diinsuranskan
- Kehilangan atau kerosakan disebabkan oleh sifat semulajadi barangan
- Kerugian/kerosakan yang dijangka berlaku seperti kerosakan akibat penggunaan biasa, berat yang berkurangan
- Ketidaktepatan pekerja atau pembantu Yang Diinsuranskan

Nota: Senarai ini tidak menyeluruh. Sila rujuk kepada contoh kontrak polisi untuk senarai penuh pengecualian di bawah polisi ini.

7. Bolehkah saya membatalkan polisi saya?

Anda boleh membatalkan polisi anda dengan memberikan notis bertulis kepada kami. Sebaik pembatalan, anda layak untuk menerima pulangan bayaran premium ditolak premium berdasarkan jumlah perolehan/bawaan untuk tempoh insurans, yang telah berkuatkuasa, tertakluk kepada premium minimum yang kami pegang.

8. Apakah yang perlu saya lakukan jika berlaku perubahan pada maklumat terperinci saya?

Adalah penting untuk anda memaklumkan kepada kami sebarang perubahan kepada maklumat terperinci anda bagi memastikan yang kesemua surat-menyurat sampai kepada anda tepat pada waktunya.

9. Di manakah boleh saya mendapatkan maklumat lanjut?

Sekiranya anda mempunyai sebarang pertanyaan, sila hubungi kami di:

AmGeneral Insurance Berhad

Menara Shell,
No. 211, Jalan Tun Sambanthan,
50470 Kuala Lumpur, Malaysia.
Talian Bebas : 1-300-80-3030
E-mel : customer@amassurance.com.my
Laman Web : www.amassurance.com.my

10. Lain-lain perlindungan sejenis yang ada

Polisi Kargo Marin

NOTA PENTING:

ANDA HARUS BERPUAS HATI YANG POLISI INI AKAN MEMENUHI KEPERLUAN ANDA SEBAIK MUNGKIN. ANDA SEPATUTNYA MEMBACA DAN MEMAHAMI POLISI INSURANS INI DAN BERBINCANG DENGAN EJEN ANDA ATAU MENGHUBUNGI TERUS SYARIKAT INSURANS UNTUK MAKLUMAT LANJUT.

AmGeneral Insurance Berhad dilesenkan di bawah Akta Perkhidmatan Kewangan 2013 dan dikawal selia oleh Bank Negara Malaysia.

Maklumat yang dibekalkan dalam lampiran pemberitahuan ini adalah sah pada 01 September 2018.